



Abitaziuns secundaras èn omnipresentas en il chantun Grischun.

FOTO MARCO HARTMANN

Da la surprisa al cumpromiss

Avant 10 onns, ils 11 da mars 2012, aveva il suveran svizzer ditg GEA a l'iniziativa per limitar abitaziuns secundaras. Enfin ch'ina lescha correspundenta è però ida en vigur hai duvrà passa tschintg onns – cun far tranter auter era il viadi a Losanna sur il Tribunal federal. Ina cronologia da decisiuns e svilups dals davos 10 onns en connex cun la realisaziun da segundas abitaziuns.

FLURIN CLALÜNA/RTR

11 da mars 2012, dumengia da votaziun: 50,6% da las votantas e dals votants ed era 13,5 chantuns vulan che segundas abitaziuns vegnan reguladas. Abitaziuns secundaras na duain betg far or dapli che 20% da las abitaziuns d'ina vischnanca. Il Grischun ha però refusà quella dumengia l'iniziativa cun 57,3% NA. Per las regiuns da muntogna sco il Grischun è il GEA a l'iniziativa lantschada da l'ecologist Franz Weber e s'i organisaziun «Helvetia Nostra» ina gronda surprisa e surtut ina sfida. Sur tut la branscha da construcziun, ma era il turissem teman grondas perditas.

2012: Vigur immediata e tuttina spustà

Lartitgel constituzional 75b valia a partir d'immediat, aveva la Cusseglier federala *Doris Leuthard* declerà avant las medias anc la saira da la decisiun. Abitaziuns che hajan già survegnì la lubientscha da bajegiar possian dentant anc vegnir realisadas.

Per las regiuns da muntogna paran las consequenzas en quel mument dramaticas e betg previsiblas. En il Grischun èn 146 da 176 vischnancas pertutgadas dal stop da construcziun per abitaziuns secundaras. Il cusseglier gubernativ grischun e parsura dal Departament d'economia da quella giada, *Hansjörg Trachsel* (PBD), ha validità la decisiun da quella dumengia cun ils pleds: «in di nairischem».

Tschintg mais pli tard, ils 22 d'avust 2012, ha il Cussegli federal preschentà l'ordinaziun transitorica per l'iniziativa. Quella lescha blewas libertads als chantuns. Uschia duai il scumond da bajegiar novas abitaziuns secundaras vegnir realisà pir a partir dal 1. da schaner 2013. Enfin lura possian las vischnancas anc lubir la construcziun d'abitaziuns «fraidas». Plinavant duai era esser pussaivel pli tard da transfurmar emprimas abitaziuns en abitaziuns da vacanzas.

Ils iniziants da «Helvetia Nostra» han però crititgà fermemain quest'ordinaziun dal Cussegli federal. Els han validità quella sco ina «refusa da la democrazia» e che la volontad dal pievel na saja betg vegnida respectada.

Sco consequenza da l'ordinaziun transitorica datti in record tar las dumondas da bajegiar. Tenor il monitur d'immobiglias da la banca Credit Suisse ha il GEA a l'iniziativa cunter abitaziuns secundaras procurà per in veritabel boom. En la Surselva ed era en l'Engiadina Ota hajan els observà ina dublegiada da las dumondas da bajegiar cumpareglià cun la media dals ultims tschintg onns. Cunter quest augment sa dosta er «Helvetia Nostra» en furma fitg concreta. L'organisaziun d'ambient ha inoltrà passa 1000 recurs tar blers projects.

2013: Losanna e la proposta grischuna

Ils 22 da matg 2013 ha il Tribunal federal decis che l'iniziativa valia già a partir da la dumengia da votaziun dals 11 da matg 2012, sco che la cusseglier federala Doris Leuthard aveva atgnamain annunzià. Concret ha il pli aut tribunal da la Svizra decidi quel di en traïs cas grischuns che valevan sco cas da precedenza. La decisiun vuleva dir che tut las dumondas da bajegiar ch'eran vegnididas lubidas tranter ils 11 da mars 2012 ed ils 31 da december 2012 stuevan vegnir annulladas. En il Grischun eran pertugads circa 150 projects da construcziun da questa decisiun da Losanna.

Ils 4 da zercladur 2013 han però traïs parlamentaris grischuns fatg ina proposta: *Stefan Engler* (PCD), *Martin Schmid* (PLD) e *Heinz Brand* (PPS) han preschentà in'atgna proposta per ina lescha davart las abitaziuns secundaras. Ils traïs giurists han proponì tranter auter che abitaziuns ch'existivan già avant ils 11 da mars 2012 possian vegnir transfurmas en abitaziuns secundaras.

Ils traïs politichers grischuns han vułi preschentar cun lur proposta ina basa da discussiun ed accelerar las lavurs per ina lescha federala davart las abitaziuns secundaras. Las reacciuns èn dentant stadas modestas. La Conferenza da las regenzas dals chantuns alpins ha bain beneventà las stentas e l'engaschament dals traïs politichers – ella n'ha però vis nagins novs aspects.

Mo la Fundaziun svizra per la protecziun e la tgira da la cuntrada ha crititgà en questa fasà che la gronda libertad per possessurs d'abitaziuns primaras possia avair l'effect ch'ils indigen pudessan vegnir stgatschads or dals vitgs.

2014: Il messadi cun bleras excepziuns

Ils 19 da favrer 2014 è il messadi per lescha federala lura vegnì mess sin maiisa: Bunamain dus onns suenter la decisiun dal pievel ha il Cussegli federal preschentà sia proposta per la lescha federala davart las abitaziuns secundaras.

Tenor quel duai vinavant esser pussaivel – er en vischnancas cun dapli che 20% abitaziuns secundaras – da bajegiar talas, sche quellas vegnan dadas a fit a turists. Ellas ston pia esser administradas ed integradas en in concept, sco p.ex. en in ressort da vacanzas. Ultra da quai duain persunas indigenas pudair bajegiar sper l'atgna abitaziun era abitaziuns secundaras per generar entradas.

Ils 25 da settember 2014 ha il Cussegli dals stadis tractà la lescha. Ina maioritat da quel cussegli è suandada sia cumissiun ed ha approvà ulteriuras excepziuns per tuttina pudair construir novas u engrondir abitaziuns secundaras già existentes en vischnancas ch'en sur la quota. Per exempli duain possessurs d'abita-

ziuns secundaras pudair engrondir quellas per in terz. Il Cussegli dals stadis vul che betg mo bajetgs protegids e da gronda muntada per il maletg dal vitg pon vegnir transfurmas en segundas abitaziuns, mabain era bajetgs degns da vegnir mantegnids.

2015: In cumpromiss enstagl d'in referendum

Ils 3 da mars 2015 ha Cussegli naziunal acceptà in cumpromiss che «Helvetia Nostra», la PPS e la PLD avevan negozià. Cun quel cumpromiss è vegnì evità ch'ils adherents da l'iniziativa prendian il referendum encunter la lescha. Il cuntegn principal dal cumpromiss: mo pli la mesasad da la surfatscha dad in hotel e mo bajetgs protegids e da gronda muntada per il maletg dal vitg dastgan vegnir transfurmas en abitaziuns secundaras. Stritgà dal tut ha il Parlament federal la fin finala era la pussaivladad da bajegiar novas abitaziuns secundaras sche quelles vegnan simplamain publitgadas sin ina plattafurma da cudeschaziun.

Cun sustegn da la sanestra e cunter la resistenza da la PCD e la PLD chatta il cumpromiss ina maioritat confortabla en la chombra gronda. Anc en la medema sessiun han las duas chombras reglà las differenzas ed ils 20 da mars 2015 ha il Parlament federal approvà la nova lescha federala davart las abitaziuns secundaras en las votaziuns finalas.

2016: Lescha va en vigur

Sin ils 1. da schaner 2016 va la lescha en vigur. Ed anc ina giada tschintg onns pli tard, il 2021, tira il Cussegli federal ina bilantscha positiva da las consequenzas da la lescha federala davart las abitaziuns secundaras.

Las abitaziuns politisadas

Cun la decisiun d'avant 10 onns èn las «segundas abitaziuns» u las «abitaziuns secundaras» daventadas in politicum. Ma uschè banal sco ch'i tuna: Tge èn atgnamain segundas abitaziuns? – En quella categoria crodan tuttas abitaziuns en Svizra che na vegnan betg duvradas e nizzegiadas da persunas cun domicil en la vischnanca correspontenta u che na vegnan era betg utilisadas per lavur u scolaziun. Per il solit èn quai damai abitaziuns da vacanzas. Ma en tut las discussiuns politicas vai surtut per abitaziuns ch'en en possess da persunas ch'han lur domicil principal ordaifer la vischnanca. (fmr)